

求治世音君不見凜々松柏雪中色獨當嚴冬色愈奇又不見郁々蘭桂塞山裡獨聞荆
棘香不衰丹心不欺溫公語抑壓苦學蘇秦錐胸裏苟有此語在富貴功名到處隨須磨
之山湊之川慨然只應感當年山岳河海名勝地英雄起處卽有緣只待士衡歸熊日期
見歸鄉錦繡榮

舊遊篇代書寄平戶今井氏

往事茫々總爲夢獨對落花恨綿々窓裡何堪只苦吟高聲時誦舊遊篇憶起熊城全盛
日與君攜手畫湖邊春風日暖驚呼友櫻桃樹間聽歡聲呼快呼奇歡無極俱伴同胞蹈
青行或向窓裡談戰事共驚隈山善用兵田原坂頭苦戰日盡國一身鴻毛輕硝烟彈雨
十閱月恰似百萬雷霆轟共酌芳酒呼痛快不知青山日已傾又憶菊池行軍日萬櫻花
下舉巨觥團欒與君賞花美遙想菊公身後榮東風吹儘無賴睡時枕少年夢忽成夢中
忽遇一奇客眉如半月面如櫻暫時相對心如焚瞞着姿容不忍分相俱携手到樹下談
笑不知到斜曛晚風吹肌夢忽覺只看櫻花似白雲或憶金峯攀崔嵬野景茫々霽色開
引領西望有明海孤帆點々詩興催絕頂寂莫無人語深山只有落葉堆漫向晏天訴幽
靜清風吹袂氣快哉或憶画湖賞月棹共携清樽聞清笳阿蘇山邊月初上四山渺々帶
紫霞或吟詩歌或劍舞共云秋月勝春花半夜寂々月愈白船頭何人彈琵琶向月似訴
平生恨彈出意中無限嗟嗚呼花開花又遷年々歲々豈得全良霄賞月又暫瞬明月滿

時忽失圓月有怪雲花有雨自古此語有因緣九十春光如流水百年身世似秋蟬往事茫茫總爲夢獨對落花恨錦々

題項羽焚秦宮圖

鳴鶴 古森幹枝

自秦亡六國統一四海廢唐虞三代之政焚詩書坑儒生言利之臣列於朝廷酷暴之吏滿於天下繁刑重斂疲民弊國阿房建怨長城築恨亡滅之勢已兆於立國之初沉始皇既死上有高枕肆欲之主下有指鹿爲馬之臣萬民之塗炭未有甚於此時者一夫夜呼天下分崩亦宜矣項羽不有尺寸之地乘勢起隴畝之中自立爲霸王盛矣哉今觀此圖而想當時之狀天下之人未必不懽然稱快也豈天假其手以報億兆之怨者歟雖然使羽有少所忍約法三章而止則漢之天下恐非沛公之有也嗚呼羽所以焚秦宮者是所以自焚楚之霸圖乎哉

梧園笠間先生口文勢流轉不可抑歇宛如決積水於千仞之谿者結末最妙有百尺竿頭進一步之趣

歲末偶成

笠間 梧園

評云實際之事寫出有真氣

論文談史髮皤如自笑老來風雅疎殘歲却餘閑日月一燈寒影讀吾書

辛卯除夕

先是余奉學官在熊本而家君猶在鄉任職於教育今秋以老